

ოქმი # 9

თსუ ანდრია რაზმაძის სახელობის მათემატიკის ინსტიტუტის სამეცნიერო საბჭოს 2023 წლის 25 დეკემბრის სხდომისა

სხდომას ესწრებოდნენ:

სამეცნიერო საბჭოს წევრები: თ. ქაღიშივილი, თ. ბუჩუკური, მ. ელიაშვილი, ლ. ეფრემიძე, ა. კვინიხიძე, ი. კილურაძე, მ. მანია, ა. მესხი, ნ. ფარცვანია, ნ. შავლაყაძე, ო. ჭკადუა, გ. ხარიბეგაშვილი, მ. ჯიბლაძე, გ. ჯორჯაძე, ო. ჯოხაძე (სამეცნიერო საბჭო შედგება 29 წევრისაგან, სხდომას ესწრებოდა 15 წევრი).

დღის წესრიგი:

1. ინსტიტუტის დირექტორის მიერ 2023 წელს შესრულებული სამუშაოს ანგარიშის განხილვა-შეფასება;
2. ინსტიტუტის სწავლული მდივნის არჩევნები.

არჩეულ იქნა: სხდომის მდივანი - ნუგზარ შავლაყაძე.

მ ო ს მ ი ნ ე ს : ინსტიტუტის დირექტორის ნინო ფარცვანიას გამოსვლა, რომელმაც დამსწრეებს მოახსენა მის მიერ 2023 წელს შესრულებული სამუშაოს ანგარიში (აღნიშნული ანგარიში ოქმს თან ერთვის).

დ ა ა დ გ ი ნ ე ს : დადებითად შეფასდეს ინსტიტუტის დირექტორის ნინო ფარცვანიას მიერ 2023 წელს შესრულებული სამუშაოს ანგარიში.

მ ო ს მ ი ნ ე ს : ინსტიტუტის დირექტორის ნინო ფარცვანიას გამოსვლა, რომელმაც დამსწრეებს მოახსენა, რომ ინსტიტუტის სწავლულ მდივანს ოთარ ჯოხაძეს 2023 წლის 25 დეკემბერს გასდის უფლებამოსილების ვადა. ნ. ფარცვანიამ ასევე მოახსენა საბჭოს წევრებს, რომ თსუ ანდრია რაზმაძის სახელობის მათემატიკის ინსტიტუტის დებულების მე-4 მუხლის მეორე პუნქტის "ი" ქვეპუნქტის თანახმად სამეცნიერო საბჭო დირექტორის წარდგინებით ინსტიტუტის სამეცნიერო პერსონალიდან 5 წლის ვადით ირჩევს ინსტიტუტის სწავლულ მდივანს.

ნ. ფარცვანიამ სწავლული მდივნობის კანდიდატად საბჭოს წარუდგინა კვლავ ინსტიტუტის დიფერენციალური განტოლებების განყოფილების მთავარი მეცნიერი თანამშრომელი ოთარ ჯოხაძე.

ს ა კ ი თ ხ ი დ ა დ გ ა კ ე ნ ჭ ი ს ყ რ ა ზ ე . საბჭოს თავმჯდომარემ თ. ქაღიშივილმა დამსწრეებს მიმართა შეკითხვით, სწავლული მდივნის არჩევნები ჩატარდეს ღია თუ ფარული კენჭისყრით. გადაწყდა, რომ აღნიშნული არჩევნები ჩატარდება ღია კენჭისყრით.

ჩატარდა ღია კენჭისყრა.

კენჭისყრის შედეგები: მომხრე - 15, წინააღმდეგი - 0.

დ ა ა დ გ ი ნ ე ს : ღია კენჭისყრის შედეგების საფუძველზე თსუ ა. რაზმაძის სახელობის მათემატიკის ინსტიტუტის სამეცნიერო საბჭოს მიერ თსუ ა. რაზმაძის სახელობის მათემატიკის ინსტიტუტის სწავლულ მდივნად ახალი ვადით, 5 წლით ერთხმად არჩეულ იქნა თსუ ა. რაზმაძის სახელობის მათემატიკის ინსტიტუტის დიფერენციალური განტოლებების განყოფილების მთავარი მეცნიერი თანამშრომელი ოთარ ჯოხაძე.

სხდომის თავმჯდომარე თ. ქაღიშივილი

სხდომის მდივანი ნ. შავლაყაძე



თსუ ანდრია რაზმაძის სახელობის მათემატიკის ინსტიტუტის დირექტორის

ნინო ფარცვანიას მიერ 2023 წელს შესრულებული სამუშაოს

ანგარიში

- ა) კონტროლს ვუწევდი ინსტიტუტის დაფინანსების მიზნობრივ გამოყენებას.
- ბ) შევიმუშავე და თსუ ადმინისტრაციის ხელმძღვანელს განსახილველად და დასამტკიცებლად წარვუდგენე ინსტიტუტის 2024 წლის ბიუჯეტის პროექტი (ივლისი, 2023 წელი).
- გ) აქტიურად ვმონაწილეობდი ინსტიტუტის 2024-2028 წლების სამოქმედო გეგმის შემუშავების პროცესში (ივნისი-ივლისი, 2023 წ.).
- დ) განვახორციელე სამეცნიერო თანამდებობებზე კონკურსის ჩატარების ადმინისტრაციული და ტექნიკური უზრუნველყოფა, მხარს ვუჭერდი საკონკურსო პროცესებს (აპრილი, მაისი, 2023 წ.).
- ე) ვესწრებოდი ინსტიტუტის სამეცნიერო საბჭოს სხდომებს და აქტიურ მონაწილეობას ვღებულობდი მის მუშაობაში.
- ვ) მოქმედი კანონმდებლობის მოთხოვნების შესაბამისად ჩავატარეთ ინსტიტუტის სარგებლობაში არსებული თსუ-ს ბალანსზე რიცხული ქონების სრული ინვენტარიზაცია 01.10.2023 წლის მდგომარეობით (ოქტომბერი-დეკემბერი, 2023 წელი).
- ზ) მხარს ვუჭერდი სამი საერთაშორისო სამეცნიერო ჟურნალის - „ა. რაზმაძის სახელობის მათემატიკის ინსტიტუტის შრომები“ (გამოდის 1937 წლიდან, განთავსებულია SCOPUS-ის ბაზაში), „საქართველოს მათემატიკური ჟურნალი“ (გამოდის 1994 წლიდან, გამოსცემს DE GRUYTER, 2008 წლიდან აქვს იმფაქტ-ფაქტორი) და „მემუარები დიფერენციალურ განტოლებებსა და მათემატიკურ ფიზიკაში“ (გამოდის 1994 წლიდან, განთავსებულია SCOPUS-ის ბაზაში) - გამოსაცემად მომზადების პროცესს და დაბეჭდვას.
- თ) ვხელმძღვანელობდი ინსტიტუტის ორი საერთაშორისო ჟურნალის („ა. რაზმაძის სახელობის მათემატიკის ინსტიტუტის შრომები“ – 177-ე ტომის ## 1, 2 და „მემუარები დიფერენციალურ განტოლებებსა და მათემატიკურ ფიზიკაში“ – 88-ე, 89-ე ტომები) უცხოეთის 40-მდე სამეცნიერო დაწესებულებასთან გაგზავნის პროცესს.
- ი) ინსტიტუტში ჩავატარეთ (ვიყავი საორგანიზაციო კომიტეტის თავმჯდომარე) ტრადიციული საერთაშორისო ვორკშოპი დიფერენციალურ განტოლებათა თვისებრივ თეორიაში, მიმღვნილი პროფესორ ვ. კუპრადის დაბადებიდან 120 წლისთავისადმი - QUALITDE-2023 (9-11 დეკემბერი, 2023 წელი, <https://rmi.tsu.ge/eng/QUALITDE-2023/workshop-2023.htm>). აღნიშნულ ვორკშოპში მონაწილეობა მიიღო სხვადასხვა ქვეყნის 90-ზე მეტმა წარმომადგენელმა. მოხსენებათა კრებული (რომლის რედაქტორიც მე გახლავართ, E ISSN 1512-3391) გამოვაქვეყნეთ ელექტრონულად https://rmi.tsu.ge/eng/reports_of_QUALITDE.html.
- კ) ხელს ვუწყობდი საერთაშორისო სამეცნიერო თანამშრომლობის განვითარებას, კერძოდ 2023 წელს შედგა ინსტიტუტის თანამშრომელთა 25-ზე მეტი სამეცნიერო ვიზიტი საზღვარგარეთის სამეცნიერო ცენტრებში და 10 - ბათუმის შოთა რუსთაველის სახელობის სახელმწიფო უნივერსიტეტში საქართველოს მათემატიკოსთა კავშირის XIII საერთაშორისო კონფერენციაზე, ამათგან 11 ვიზიტი ფინანსურად მხარდაჭერილი იყო ინსტიტუტის ბიუჯეტიდან (3 - უცხოეთში, 8 - ბათუმში).
- ლ) უზრუნველყავი საორგანიზაციო ღონისძიებების გატარება ინსტიტუტის 2023 წლის წლიური სამეცნიერო ანგარიშის მოსამზადებლად.
- მ) ვასრულებდი და/ან ვხელმძღვანელობდი თსუ-ს შესაბამისი მართვის ორგანოებიდან მიღებულ სხვადასხვა დავალებებს.

ნინო ფარცვანია

2023 წლის 25 დეკემბერი